



## SLUŽBA ZA REVIZIJU FINANSIJSKOG POSLOVANJA

Na osnovu člana 14. stav 1. Zakona o finansiranju političkih stranaka («Službeni glasnik BiH» broj 22/00) i člana 24. Pravilnika o godišnjim finansijskim izvještajima političkih stranaka («Službeni glasnik BiH» broj 61/06) izdajem

### IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2006. GODINU STRANKE PANZIONERA-UMIROVLJENIKA BIH

Broj: 09-07-6-1123/07  
Sarajevo, 24. april 2008. godine

## **SADRŽAJ:**

MIŠLJENJE REVIZORA.....	3
1. UVOD.....	4
2. PREDSTAVLJANJE POLITIČKE STRANKE.....	4
3. OPIS PREGLEDA I KANCELARIJSKE REVIZIJE.....	5
Predmet kancelarijske revizije.....	5
Cilj kancelarijske revizije.....	5
Obim kancelarijske revizije.....	5
4. PRETHODNE REVIZIJE.....	5
5. NALAZI I PREPORUKE.....	5
5.1. NALAZI.....	5
5.2. PREPORUKE.....	6

## MIŠLJENJE REVIZORA

Služba za reviziju finansijskog poslovanja u Centralnoj izbornoj komisiji Bosne i Hercegovine izvršila je pregled i kancelarijsku reviziju finansijskih izvještaja Stranke penzionera-umirovljenika BiH i to: godišnjeg finansijskog izvještaja za 2006. godinu i finansijskog izvještaja za period od dana podnošenja prijave za ovjeru za izbore do dana ovjere rezultata opštih izbora, održanih u oktobru 2006. godine.

Rukovodstvo stranke je odgovorno za finansijske izvještaje, postupanje stranke u skladu sa Zakonom o finansiranju političkih stranaka i članom 15.10 Izbornog zakona BiH i uspostavljanje efikasnog sistema internih kontrola.

Pregled i kancelarijsku reviziju smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled i kancelarijska revizija su ograničeni na kontrolu godišnjeg i postizbornog finansijskog izvještaja političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuju pouzdanost koja bi se dobila izvršenom terenskom revizijom.

Na osnovu našeg pregleda utvrđeno je sljedeće:

- 1. Na osnovu obavljene kancelarijske revizije godišnjeg finansijskog izvještaja utvrđeno je da je Stranka penzionara-umirovljenika BiH prekršila odredbe člana 8. stav 1. Zakona o finansiranju političkih stranaka.**

**Na osnovu našeg pregleda, odnosno kancelarijske revizije finansijskog izvještaja, osim gornje napomene nismo zapazili ništa značajno što bi ukazalo na druge nedostatke u izvještaju ili finansiranju ove političke stranke.**

## 1. UVOD

Služba za reviziju finansijskog poslovanja u Centralnoj izbornoj komisiji BiH (u daljem tekstu: Služba za reviziju) je izvršila pregled i kancelarijsku reviziju finansijskih izvještaja Stranke penzionera-umirovljenika BiH i to: godišnjeg finansijskog izvještaja za 2006. godinu i finansijskog izvještaja za period od dana podnošenja prijave za ovjeru za izbore do dana ovjere rezultata opštih izbora, održanih u oktobru 2006. godine.

Pregled, kontrola i kancelarijska revizija je provedena u skladu sa članom 25. Pravilnika o godišnjim finansijskim izvještajima političkih stranaka («Službeni glasnik BiH» broj 61/06) i članom 2. Pravilnika o administrativnim procedurama pregleda i kontrole finansijskih izvještaja, broj: 01-07-1267/05, od 05.05.2005. godine.

Zbog činjenice da nije obavljena terenska revizija, postoji velika mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja Stranka penzionera-umirovljenika BiH je iskazala prihode u iznosu od 345.683,98 KM, čija struktura je data u sljedećoj tabeli:

Red.br.	Vrsta prihoda	Iznos u KM	Učešće u Uk.prih. %
1	Članarina	30.360	878%
2	Prilozi fizičkih lica	46600	13%
3	Prilozi pravnih lica	1.150	33%
4	Prihodi od imovine	8798	3%
5	Prihodi od pr. lica	0	0%
6	Prihodi od poklona	3.770	109%
7	Prihodi iz budžeta	309.850	8963%
	Ostali prihodi	0	0%
	<b>Ukupni prihodi:</b>	<b>345.684</b>	<b>10000%</b>

U godišnjem finansijskom izvještaju Stranka penzionera-umirovljenika BiH je iskazala ukupne rashode u iznosu 360.199,00 KM.

## 2. PREDSTAVLJANJE POLITIČKE STRANKE

Naziv političke stranke: Stranka penzionera-umirovljenika BiH. Skraćeni naziv stranke je SP-U BiH. Politička stranka je registrovana 23.04.2002.godine u Višem sudu u Sarajevu, broj upisa R-I-4/02.

Sjedište političke stranke je u Sarajevu, ulica Azize Šaćirbegović br. 2.

Lica ovlaštena za zastupanje stranke: Salko Isak, predsjednik,  
Mehmed Nurkanović, zamjenik predsjednika,  
Vinko Pandža, predsjednik GO,  
Avdija Uzunović, zamjenik predsjednika GO.

Lice ovlašteno za podnošenje finansijskih izvještaja za 2006. godinu je Azijada Lagumdžija.

Organizacionu strukturu SP-U BiH prema podacima iz finansijskog izvještaja čine:

- Glavni odbor SP-U BiH,
- 9 kantonalnih odbora, i
- 62 opštinska odbora.

### **3. OPIS PREGLEDA I KANCELARIJSKE REVIZIJE**

**Predmet kancelarijske revizije je** godišnji finansijski izvještaj Stranke penzionera-umirovljenika BiH za 2006. godinu i finansijski izvještaj za period od dana podnošenja prijave za ovjeru za izbore do dana ovjere rezultata opštih izbora održanih u oktobru 2006. godine.

**Cilj kancelarijske revizije je** da revizor na bazi finansijskog izvještaja pokuša da ustanovi da li je SP-U BiH u izvještajnom periodu postupala u skladu sa odredbama Zakona o finansiranju političkih stranaka i odredbama člana 15.10 Izbornog zakona BiH. Ukoliko revizor na bazi kontrole finansijskog izvještaja utvrdi određena kršenja navedenih zakona, ocjenjuje da li je potrebno izvršiti terensku reviziju da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka i da li su troškovi predizborne kampanje u okviru zakonom dozvoljenih.

**Obim kancelarijske revizije finansijskih izvještaja SP-U BiH obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava, sa posebnim naglaskom na prihode iz budžeta i troškove predizborne kampanje.**

### **4. PRETHODNE REVIZIJE**

Izvršen je pregled godišnjeg finansijskog izvještaja Stranke penzionera-umirovljenika BiH za 2005. godinu i izdat izvještaj o pregledu sa mišljenjem revizora da je stranka postupala u skladu sa odredbama Zakona o finansiranju političkih stranaka.

Izvještaj o pregledu je stranci dostavljen nakon što je politička stranka Centralnoj izbornoj komisiji BiH podnijela godišnji finansijski izvještaj za 2006. godinu.

### **5. NALAZI I PREPORUKE KANCELARIJSKE REVIZIJE**

## 5.1. NALAZI KANCELARIJSKE REVIZIJE

**a) Na osnovu obavljene kancelarijske revizije godišnjeg finansijskog izvještaja utvrđeno je da je Stranka penzionera-umirovljenika BiH prekršila odredbe člana 8. stav 1. Zakona o finansiranju političkih stranaka.<sup>1</sup>**

Na osnovu dopisa Stranke penzionera/umirovljenika BiH, utvrđeno je da stranka odnosno njeni odbori koriste bez naknade prostorije opštinskih organa uprave, Fonda PIO/MIO i Opštinskih Udruženja penzionera/umirovljenika. Trinaest (13) opštinskih odbora koristi poslovne prostorije opština i to: Novi grad, Stari grad, Centar, Novo Sarajevo, Tuzla, Bosanska Krupa, Zavidovići, Visoko, Breza, Kakanj, Tešanj i Jablanica, i KO Tuzla. Kantonalni odbori Stranke penzionera/umirovljenika BiH Zenica i Sarajevo koriste, na osnovu ugovora i bez plaćanja naknade, poslovne prostorije površine 24,50 m<sup>2</sup> odnosno 45 m<sup>2</sup>, koje su u vlasništvu Fonda PIO/MIO. Takođe, utvrđeno je da pojedini odbori<sup>2</sup> stranke povremeno koriste prostorije Udruženja penzionera.

Korištenjem poslovnih prostorija u vlasništvu opština, Fonda PIO/MIO i udruženja penzionera bez plaćanja stranka postupa suprotno odredbama člana 8. stav 1. Zakona o finansiranju političkih stranaka.

Osim navedenog, Stranka penzionera/umirovljenika BiH je primila prilog Opštine Doboj Jug u ukupnom iznosu od 850,00 KM i Opštine Vareš u iznosu od 100,00 KM, što je suprotno odredbama člana 8. stav 1. Zakona o finansiranju političkih stranaka.

### **Troškovi predizborne kampanje**

Stranka penzionera-umirovljenika BiH je postupila u skladu sa odredbama člana 15.10 Izbornog zakona BiH, odnosno u svrhu izborne kampanje je potrošila 45.521,00 KM.

Prema odredbama člana 15.10 Izbornog zakona BiH politička stranka za potrebe izborne kampanje ne smije potrošiti više od 0,30 odnosno 0,20 KM<sup>3</sup> po biraču u svakom izbornom krugu, prema broju birača koje je objavila Centralna izborna komisija BiH. Prema podacima Centralne izborne komisije BiH Stranka penzionera-umirovljenika BiH je u svrhu izborne kampanje mogla da potroši 1.348.725,40 KM.

---

<sup>1</sup> Državni, entitetski i kantonalni organi, organi opštinskih i mjesnih zajednica, javne institucije, javna preduzeća, humanitarne organizacije, preduzeća koja su po svojoj djelatnosti isključivo neprofitna, vjerske zajednice, kao i privredna udruženja u kojima uloženi javni kapital iznosi najmanje 25% ne mogu da finansiraju političke stranke.

<sup>2</sup> KO Posavina, OO Orašje i OO Odžak, KO Mostar, OO Grad Mostar i OO Konjic

<sup>3</sup> Član 15.10 stav 2. propisuje da se maksimalno dozvoljeni iznos za finansiranje izborne kampanje izračunava tako što se broj glasača u svim izbornim jedinicama u kojima politički subjekt ima kandidatsku listu ili kandidata pomnoži sa: 30 feninga za načelnika opštine odnosno gradonačelnika i za članove skupštine opštine, članove Narodne skupštine RS i Predstavničkog doma Parlamenta Federacije BiH, članove Parlamentarne skupštine BiH, člana Predsjedništva BiH, i predsjednika i potpredsjednike RS, odnosno 20 feninga za izbore za članove kantonalnih skupština.

## **5.2. PREPORUKE**

*Preporučuje se Stranci penzionera-umirovljenika BiH da se pridržava odredaba Zakona o finansiranju političkih stranaka, a posebno na osnovu uočenih nedostataka se preporučuje:*

*- da postupa u skladu sa odredbama člana 8. stav 1. Zakona o finansiranju političkih stranaka.*

### **KOMENTAR:**

Stranka penzionera-umirovljenika BiH je u ostavljenom roku dostavila odgovor na Preliminarni izvještaj o pregledu godišnjeg finansijskog izvještaja za 2006. godinu. Uz odgovor je dostavljen i ispravljeni i dopunjeni godišnji finansijski izvještaj za 2006. godinu čime je Stranka penzionera-umirovljenika BiH dobrovoljno otklonila nedostatke u popunjavanju obrazaca godišnjeg finansijskog izvještaja.

Hasida Gušić, šef Službe za reviziju

Sanja Čabrilo, revizor